

Virus Fahi Afrikana

Proteje ita-nia fahi.

Virus fahi Afrikana (African swine fever - ASF) nu'udar moras viral ne'ebé hada'et fasil tebes entre fahi sira, no agora daudaun moras ne'e barak ba beibeik no sei destrui ita-nia indústriá naan-fahi nian karik moras ne'e tama mai Austrália.

ASF la hamosu perigu ba ema nia saúde ka seguransa ai-han.

Moras ne'e bele hada'et liuhosi kontaktu diretu ho fahi ne'ebé hetan ona moras ne'e, veikulu, ekipamentu ka rounpa kontaminadu no bainhira fó swill (hahán restu) ka naan restu ne'ebé kontaminadu ba fahi atu han.

Importante tebes hodi prevene ASF tama mai Austrália no ami presiza Ita-Boot nia ajuda. Ita-Boot bele kontribui hodi proteje Austrália ho maneira hanesan tuir mai:

Nunka fó swill (hahán restu) ba fahi atu han.

Inklui mós fahi hakiak.

Hahán sira ne'ebé kontein produktu naan, ka hahán ne'ebé iha kontaktu ho produktu naan hanaran 'swill', no ilegál hodi fó hahán hanesan ne'e ba fahi atu han, no bele mós kontein moras sériu. Swill inklui:

- pie (torta), pizza no sausage rolls (rolinhos de chouriço)
- naan deli
- hahán restu husi dapur ka restaurante
- mina restu

Respeita ita-nia fronteira sira.

Proteje ita-nia fronteira sira hasoru ASF.

- Labele lori naan no produktu animál tama fali ba ita-nia rain. Karik Ita-Boot vizita fatin agrikultura ka sa'e-foho Ita-Boot tenke deklara informasaun ne'e bainhira tama.
- Tenke fó informasaun kona-ba korreiu internasionál ne'ebé kontein animál, produktu animál ka ekipamentu agrikultura no preokupasaun seluk ruma ne'ebé relasiona ho bioseguransa. Haree. Foti asaun. Liña telefónika hodi fó informasaun **1800 798 636**.

Kuandu suspeita buat balun, telefone ami 1800 675 888.

Hatene sinál sira.

Detesaun sedu importante tebes hodi halakon moras ne'e.

ASF nia sintoma sira inklui:

- mate derrepente, ka mate iha loron 1-2 nia laran
- kulit mean balun-balun, liuliu parte tilun
- laiha vontade han
- halibur an ka subar an iha sikun
- tee-been, ne'ebé bele kontein raan.